

O lavi hem o čumurso



Jekh dive, palo but prastajbe o lavi pašljilo hari te dahini talo jekh kaš. Dahindoj, e lave ljelja o sojbe. Ko odova momenti nakhindoj othar, o čumurso dikhlja e lave hem ljelja te prastal prekalo o lavi. Osetinđa o lavi odova, uštinlo ando sojbe hem doljinđa e čumurse.

“A, tu tikneja! Sar šaj tu ađahare zalo mande baro, te uklje ko moklo dumo hem te prasta? Drumo li mangeja te čere ko moklo dumo? So te čerav akana me tuvaja?” pištindoj vačerđa o holjamo lavi.

“Ooo, zoraljeja lava! But grešindum, priznainava. Moljinava tut, čer maje halalji. Niked na čerava akava paljem. Grešindum đanava, akava maje paluno drom. Ama, hem čhiv hari ki godi. Me hijum but tikno, ni ko dand nane te perav tuče. Nane te čaljove hič mandar” rovindoj vačerđa o tikno čumurso.

O baro lavi ljelja te asal hem mukhlja e tikne čumurse te đal pe drumuja sasto hem vesto.

Palo disave dive, o lavi doljisalo ki jekh bari hem zoralji mreža so čhivđe o lovcija ano veš. O lavi pelo mazumi hem počinđa te pištini. E lavesiri vika šunđa o tikno čumurso hem prastandoj đelo nakro o lavi. Ked dikhlja o čumurso e lave astardo ani mreža, ov počinđa te kicini i mreža. Kicindoj o thava, o čumurso pharavđa i mreža hem ikalđa e lave othar.

“But čudna buča šaj te desinen pe ki akija dunjaja. Nikeda angljeder na pelo maje ki godi, so jekh tikno čumurso šaj te spasini bare hem zoralje lave”, vačerđa o lavi e čumursesese.

Ezop